

XCV


24 October 1963

Hartog Dr. J.
Wilhelminastr.
Gronjeestad.



OBSERVADOR

Semanario Informativo  Netamente Arubiano



Canciller
Konrad Adenauer
a retira
despues di 14 anja
na poder.



©1993, Philip Morris Inc.

Take the world's first Humiflex Plastic Pack

Moistureproof, vacuum-formed so freshness and flavor stay in,
Paxton comes to you twice as fresh and flavorful
as any other cigarette. The Humiflex Pack is soft and flexible,
it's the best-looking pack you ever carried. And
the rounded corners make it the most comfortable.



Add a new team of filters back-to-back

Filter #1 is fortified with PECTON. Actually
controls moisture to freshen the
flavor with every puff. Filter #2 keeps
Paxton's rich flavor good and mild.



And suddenly you're in a new world of flavor with new PAXTON menthol cigarettes

Paxton gives you fine, Grade A
tobacco flavor... and the gentle
reward of new soft menthol. New
blend, new pack, new team of filters
back-to-back. Try Paxton... the
new cigarette from Philip Morris Inc.

The filter you hoped for—the flavor you smoke for!

SIGUI SPAAR
e pakinan bashi di
e famoso cigarlanan



Sea alerta pa e
Grandiosísimo Concurso
di
Mario S. Arends

SUBSCRIPTION :

Trimestre " 5.—

Annual " 19.—

Imprimi i ilustrá door di :
GENERAL PRINTING CO.
Zuidstraat 15, Tel 1058

EDITORIAL

*Diferente biaha den pasado e atencion a ser hala riba e facilidad-
nan pa e publico den algun di e teatronan local.*

*Tabata criticanan cu e facilidadda tabata laga hopi di desea y cu
nan no tabata cumpli cu e exigencianan di e publico amante di pe-
licula.*

*Hasta e publico a jega asina leu cu algun anja pasa nan a dicidi
di boycotea un di e teatronan den distrito pa mira si por a bini un
cambio den e situacion indeseable cu tabata reina den e teatro en
gestion.*

*Despué di cada critica sinembargo, par a constata cu esnan cu ta
encargu cu direccion di e teatroun na nos isla a hanja compren-
sion pa e suplica di e amantenan di cine y e condicion di e teatro-
nan y nan facilidad a wordo mehorá.*

*Sinan pasa, durante pasamento di un pelicula cu a hala masha ho-
pi hende, nos bista a cai riba un situacion menos bunita cu ta
reina na e teatro mas grandi y mas moderno, situa na L.G.
Smithboulevard.*

*E teatro aki ta equipa cu dos bon "toilet" pa e personanan cu pa-
ga entrada pa sinta patras, pero pa e personanan cu ta paga al-
go menos pa sinta dilanti no tin e facilidad asina necesario.*

*Por cierto tin un "toilet" banda di e pasadillo cu antes tabata
wordo usa pa e publico cu ta sinta dilanti den e prome anjanan
cu e teatro a habri, pero ya ta hasta tempo cuba cu esaki ta
sera pa e publico.*

*Y como cu egnan sinta dilanti no ta wordo permiti pa pasa bai
patras pa usa e "toilet" ey, e personanan aki tin di haci nan ne-
cesidad djies un poco patras di e porta di entrada.*

*E situacion aki tin dos aspecto principal cané. Na prome lugá,
e no ta duna e personanan cu paga entrada pa sinta dilanti e pri-
vilegio di por usa un "toilet" y na di dos lugá, nos vez cu e perso-
nanan ta haci nan necesidad pafó, esaki ta contra di e higiene
publico. Hopi hende cu no kier haci uso di e "toilet" aire libre
aki ta hanja nan mes forza na keda wanta te ora cu e pelicula
caba y nan jega cas.*

*Nos ta hanja cu muerde cu e publico dilanti ta paga un poco me-
nos pa entrada toch nan tin e derecho pa por haci uso di un
"toilet", siendo cu esaki ta existi cuba y tur loke tin cu haci ta
poné atrobe den uso. E necesidad pa esaki ta urgente y e lo ju-
da tambe pa cuba cu e mal olor di e "toilet" den aire libre.*



Riba e promer grafica Eugene Gerstenmaier (drecht), president di e parlamento di Alemania occidental, ta apareci lesando e despedida pa e canceller Konrad Adenauer (robes), ora cu su renuncia a worde haci efectivo. Riba e ultimo grafica e president di Alemania occidental, Heinrich Lübke ta lesa e renuncia cu e canceller Adenauer a entregé na Bonn.

KONRAD ADENAUER A RETIRA DESPUES DI TABATA 14 ANJA CANCELLER DI ALEMANIA OCCIDENTAL

Despues di a ocupa e puesto di Canciller di Alemania Occidental durante 14 anja - un periodo hopi difícil den e historia di e pais — Konrad Adenauer a retira siman pasa na edad di 87 anja, pa traha luger pa su sucesor Ludwig Erhard, ex Ministro di Economía.

Despues di e traspaso di mando aki entre Adenauer y Erhard e president di Estados Unidos John F. Kennedy a manda un telegram di saludo na e Canciller saliente Konrad Adenauer y aki den e ta bisa cu e papel di Adenauer den e historia aleman tabata di remplaza e "desorden y e pleito pa e cooperacion y e reconciliacion". Kennedy ta sigi bisa den su mensahe cu e movimiento pa e Uni-

dad Europea Occidental "di cual aho tabata contribuidor principal" a elimina pa prome bez "e amenaza di un otro gera entre cuikier di e aliadonan di Atlantico".

"E relacionnan entre mi pais y esun di bo nunca tabata mas pega y e lasonan cu Bo a contribui den tal medida lo persisti den e tempo cu ta bini", Kennedy a afirma.

Senjalando cu Adenauer a tuna poder na Alemania "na e momento mas difícil y doloroso den e historia di e pueblo germano" — despues di e segunda gera mundial — Kennedy ta bisa e anciano estadista: bo a duna bo pueblo mediante bo inteligencia y responsable direcion, un sentido di identidad nacional, un proposito y un orgullo".

E president di Merca a agrega cu, den di Adenauer, Alemania, cu un tempo tabata simbolo di dictadura y di gera, awe ta "res-

peta" pa tur e nacionnan liber como e champion di paz y libertad".

"Bo a crea den bo pais un sociedad stabiel, liber y democrática cu ta un contraste cla cu e represion cu ainda ta pisa riba hopi di bo compatriotanan", e president di Merca ta bisa.

Continuando su evidente referencia na e Alemania Comunista di este, president Kennedy ta bisa: "na nan — (e alemanan di este) — bo a duna ajuda y speranza, negando husticiaramente na acepta como permanente un division no natural di bo pais, bo capital y bo pueblo."

Ta interesante pa menciona cu den e ultimo tempanan Adenauer a ricibi un serie di proposicionnan pa matrimonio.

Aparentemente esakinan no a interesá pero algun hende sabi pakiko el a ordena pa warda e cartanan den e kashi di "Tratado di no Agresion".

LORD HOME, SUCESOR DE MACMILLAN, SU TAREA TA PA SIRBI PUEBLO

Diasabra último Lord Home a acepta e encargo di Reina Isabel II pa e forma un gobièrno nobo, durante di un ceremonia efectuada en Palacio di Buckingham. El a sunchi e man di e Reina y a cuminsa mesora cu su tarea pa completa su Gabinete.

Den un corto presentacion na television den heranan di anochi, Home a bisa e naciën :

"Manera ya boso sabi, mi a worde nombra Prome Ministro pa Reina Isabel II, y tin algun cos cu mi lo kier conta mesora.

"Na prome laga, cu mi tarea ta di virbi henter e naciën. Na di dos laga cu ningun hende no por spera acrobacia di mi parti, sino un actitud cla y abierto.

"Y una vez, un di e dificultadnan di nos tempo moderno — den cual e sucesornan ta worde produci cu bèpi rapidéz y tur e asuntunan di gobièrno t'asin complicá — ta cu Whitehall lo por parece macha leu di boso hogar. Wel, mi kier comparti tur e actitudnan di e gobièrno cu pueblo y cu e pueblo comprende loke gobièrno ta haci y pakiko.

"Y finalmente, mi ta reemplazando un destacado Prome Ministro, kende tabatin un gran impacto den e asuntunan mundial y tam-

be den nos propio asuntunan. Y awor mi ta pensa, mescos cu boso, riba dje. Y mi sabi cu boso lo uni cu mi pa munda nos mibo desconfianza pa su total recuperacion, y p'a Lady Dorothy, un mensahe di afecto y di bon desconfianza pa un bida feliz den futuro.

E aceptacion di e nombracion cu Home a haci a pone fin na 9 dia di disputa interna den e partido conservador, for di cual MacMillan a renuncia dia 10 di e luna aki, ora cu el a anuncia cu e lo worde opera pa saca e klier prostático, cu tabata strobé na sigi desarolla intensa actividad.

Fuenternan bon informá a bisa cu e aceptacion di Home ta nifica tambe cu el a ricibi un promesa cla reserva di respaldo di e Vice Prome Ministro R.A. Butler, kende a sufrí e desenganjo di mira cu el a worde lubida dos blaha den shete anja pa bira Prome Ministro.

Diasabra Lord Home a jega a Palacio di Buckingham pa 11.40 di mainta pa anuncia su aceptacion na e Reina. El a worde aplaudi pa e personanan cu tabata presencia e cambio di warda.

E Prome Ministro nobo a confirmá cu e lo renuncia di su título di Conde y cu e lo cuminsa prepara pa su eleccion den e Cámara de los Comunes.

E Prome Ministro a bisa tambe cu e lo tene un entrevista cu e

befe di e partido laborista Harold Wilson, cu e intencion pa jega na un acuerdo pa aplaza e periodo nobo di sesionnan di e Parlamento cu lo mester cuminsa dia 29 di e luna aki.

E befe di e partido laborista, di e oposicion, Harold Wilson, a declara cu e nombramento di Lord Home como Prome Ministro a problema na henter munda cu Gran Bretaña "no ta bai despenja completamente e papel cu ta corresponde na dje den e asuntunan mundial".

Wilson a haci su prome comentario riba e homber nombra pa e partido conservador pa sibi Harold MacMillan, den un reunion di e partido laborista na Manchester algun hora despues cu Lord Home a acepta e encargo di La Reina pa forma e gobièrno.

Mencionando e motibonan di su creencia cu "un Gran Bretaña dirigi pa Lord Home no ta bai despenja completamente e papel cu ta corresponde na dje den e asuntunan mundial", Wilson a bisa cu, "un kuestion tras di otro, a bini na banda di Portugal y Sud Africa contra e resto di e genero humano".

"Ademas — el a agrega — Home a atacá Naciones Unidas, y su actitud encuzando e paisnan di e Commonwealth cu a cabé di nace, su disposicion visto na sacri-



Riba e promer grafica por mira Reginald Maudling di 46 aña, ministro di Hacienda; e vizconde Hailsham, di 56 aña y R.A. Butler di 60 aña. Riba e otro grafica ta aparecé Lord Home, na su yegada na e hospital na unda e "promer ministro ta kedando.

fica e interesan di e Commonwealth den su emperjo pa drenta den e ámbito europeo, ta baci imposibel cu ban di Lord Home Gran Bretaña lo ta espaz pa mobilisa e Commonwealth y dirigí.

Wilson a bisa cu "desde varios luna", e gobiernu tabata falta e apoyo di e pueblo británico, cu claramente ta exigi un cambio". Durante su segundo dia como Prime Ministro, Lord Home a designa su gabinete, confiando e cartera di Relacionnan Exterior na Richard A. Butler, su principal rival den e lucha pa sigi Harold MacMillan, y directamente despues el a anuncia cu e lo presenta su candidatura e proximo luna pa drenta den e Camara de los Comunes.

Dirigentenan di e Partido Conservador a informa tambe cu Home lo renuncia di su titulo, y cu e lo presenta como candidato den e eleccion final di dia 7 di november den e distrito escocés Kinross y Pethshire Occidental.

Home di e manera aki lo reemplaza George K.H. Younger, kende a laga su candidatura cal, y ta ser considera cu e Prime Ministro lo no tin dificultadnan pa ser eligi, pues den e ultimo eleccionnan e representante conservador den e distrito ey a obtene 16.256 voto, superando su rival di mas cerca cu 12.248 voto. Riba e lista di su colaboradornan nobo, Lord Home no a pone number di e hefe di e bloque conservador den e Camara de los Comunes, Ian MacLeod, y e Ministro di Salud Publica di MacMillan, Enoch Powell.

Den circulonan autoriza ta ser bisa cu e dos personanan aki a nenga pa participa den e gobiernu nobo y e corant Sunday Times a bisa awe cu e actitud di e dos dirigentenan "ta representa e quebra di mas grandi registra den e Partido Conservador desde e segunda gera mundial".

E nombramento di Butler pa e im-

portante cartera di Relacionnan Exterior, den cual Home a distingui su mes durante 3 anja, ta ser considera como un recompensa pa e apoyo cu Butler a presta na e Prime Ministro nobo. Presma na Gran Bretaña ta afirma tambe cu ta Butler, kende a dirigi va colabura cu Home apesar di e decepcion cu e no a worde eligi Prime Ministro, a permiti cu e gabinete por a worde cumpli.

Lord Home a holbe trece den e gobiernu e conocido Selwyn Lloyd, e homber cu el a reemplaza pa e cartera di Relacionnan Exterior y kende a perde e cargo di Ministro di Hacienda den e reorganizacion di e gabinete di MacMillan na juni 1962, y tambe dos di su principal rivalnan pa e puesto di Prime Ministro: Reginald Maudling y Lord Hailsham.

Selwyn Lloyd lo banja e puesto di Lord di e Sello Privá y hefe di e Bloque conservador den e Camara de los Comunes; Maudling como Ministro di Hacienda, y Hailsham como Lord President di e Consejo y Ministro di Ciencia.

Edward Heath, ex lord di e Sello Privá y principal colaborador di Home den e Foreign Office, a worde nombra Ministro di Comercio y Secretario di Estado pa Industria, Comercio y Desarrollo Regional.

Den circulonan politico autoriza ta worde bisa cu Hailsham, kende a renuncia su titulo pa ingresa den e Camara de los Comunes, probablemente lo banja o tro cargo cu lo permitie pa des-empenja un puesto fundamental den e organizacion di e Partido Conservador pa e eleccionnan general cu lo worde celebra den e termino di 12 luna.

Despues di acepta oficialmente su nombracion for di Reina Isabel, Lord Home a sigurá cu su partido lo tin cu triunfa den e eleccion general.

Home a nombra tambe John Hare, ex Ministro di Trabanu, Canciller di e Ducado di Lan-

caster, otro di e puestonan ocupa pa MacLeod, y el a nombra Lord, loka ta impedi cu e por actua den e Camara de los Comunes, manera su antecesor tabata baci.

Lord Home a anuncia su gabinete despues di consultanan intensu cu a worde celebra riba e prome dos dianan di su nombracion. Mientras cu e tabata sigi cu su actividadnan den su residencia oficial - e cas numero 10 den e caya Downing - un cantidad grandi di expectadornan tabata para den e awacero pa presencia e desfile di e personalidatnan.

Despues di e conoce e nombramento di e ministronan nobo, e periodista nan a puntra Home si el a ofrece puestonan na MacLeod y Powell. E hefe di Gobiernu e ora ey a responde na un manera seco: "Ta claro cu si. Mi ta lamenta cu nan a considera cu nan no por a acepta".

Ora cu nan a puntrá si e negacion di e dos personanan aki ta nifica un division den e Partido Conservador, Home a declara: "Mi no ta duda cu nan lo duna mi nan mas leal apoyo".

TITO RICIBI CU HONORAN MILITAR NA MERCA

E president di Jugoslavia, Marić Josip Broz (Tito) kende durante su permanencia na Merca a haci un bishita cerca president John F. Kennedy, a expresa ey e ta kere cu tanto Oriente como Occidente a comprende awor cu den e kuestionnan relaciona cu e "pera fria" mester sigui "e curso di negociacionnan".

Tito, e lider comunista di 71 anja, kende a worde ricibi pa Kennedy cu tur e bonoran militar correspondiente na su jerarquia, a declara cu den e prome mandatarío Mericano el a banja "un socio masha bon" cu kende e por discuti tanto e problema

nan internacional como e kestionnan cu ta interesa e dos paisnan respectivo.

E befe di e Estado yugoslavia a bisa cu Kennedy a acepta su invitacion pa bishita Yugoslavia. Tito, sinembargo, no por a duna un fecha exacto pa e bishita di Kennedy.

Poco despues di e reunion den e Casa Blanca, Kennedy y Tito a publica un comunicado conjunto expresando cu nan a jega na e conclusion cu "mediante un esfuerzo decisivo y e respaldo di tur e nacionnan dispuesto pa presta nan contribucion lo por logra un progreso enuante e rudimiento di peliger di gera y sigura un bise pa e paz mundial". E comunicado ta agrega cu e entrevista a brinda "un oportunidad conveniente pa realiza un util cambio di impresiennan tocante kestionnan importante di e situacion internacional y di e relacionnan entre Estados Unidos y Yugoslavia".

"E conversacionnan a worde teni den un ambiente cordial y amistoso y nan a worde caracteriza pa un discusion franco".

Mas leu den e comunicado ta ser bisa: "E dos presidentenan a expresa e speranza cu e relacionnan entre e dos paisnan, awor cu e asistencia directa no ta necesario, por desarolla mas leu den otro camponan, particularmente den esnan di e expansion di comercio normal, contactonan economico, cultural, científico y otorgan".

Mientras cu Tito tabata den e Casa Blanca, un 100 miembro di e organizacionnan serbia y croata a reuni dilanti di e Casa Blanca cargando borchinan riba cual nan tabata denuncia Tito como "asesino", "tirano" y "espia di Moscú". Cu excepcion di algun discurso pronunci den Congreso, criticando e presencia di Tito na Merca, no tabatin mas incidentenan.

Papiando cu e periodistanan despues di su conversacionnan cu president Kennedy, Tito a bisa,

cu el a discuti cu Kennedy kestionnan comercial y riba e posibilidad di un regreso na e "intercambionan normal". Yugoslavia ta especialmente interesa den aumento su comercio cu Merca", segun Tito.

Tito a responde negativamente oca cu nan a punte si el a trata cu Kennedy tocante di e disputa ideologica existente entre China Comunista y e Union Sovietica. Pero e tabata mas positivo den su contestacion ora nan a punte si e acercamiento cu a tuma luga entre Belgrado y Moscú tabata resultado di un cambio di su parti o di parti di Khrushchev.

COSMONAUTANAN RUSSO TABATA DI BISHITA NA MERCA

Yuri Gagarin y Valentina Tereshkova, e prome bomber y e prome muher di Rusia cu a viaha den espacio, tabata e obheto di un bienvenida muha entusiasma den e Asamblea General di

Naciones Unidas, durante di nan bishita na Merca. Gagarin y Tereshkova, kendenan a hini for di Mexico, a worde presenta for di e tribuna di oradornan pa e president di e Asamblea, Carlos Sosa Rodriguez, di Venezuela.

E cosmonautanan a drenta e sala poco despues di 10'or y 30 diarason malata apear di e asistencia di Sosa Rodriguez pa e Asamblea cuminsa puntualmente su su reunionnan. Nan a sinta hunto cu e delegacion di Rusin y nan a canja bai na e tribuna ora cu Sosa Rodriguez a presenta nan como invitadonan di e Secretario General, U Thant.

E delegadonan a aplaudi durante casi 1 minuit, pero e cosmonautanan no a haci ningun declaracion.

Mas despues Gagarin y Tereshkova a firma e buki di bishitanan den e oficina di U Thant y nan a pasa pa un conferencia di prensa prepara pa e delegacion sovietica.



Riba e grafica aki Yuri Gagarin (drecht) y Valentina Tereshkova, ta worde entrevistá na New York. Nan a bishita Manhattan durante un dia, despues nan a sigi pa Berlin Oriental. Riba e ultimo grafica nan ta aparecé na nan yegada na New York for di Mexico City.

Noticianan local

25.000 FLORIN PA SANTA CRUZ

Bestuurscollege di Aruba den un carta dirigi pa Eilandssaad a suplica e colegio aki pa aproba un regalo di f.25.000,— na e parokia di Santa Cruz, cu coneccion cu e celebracion di e di 100 anja di existencia di e parokia mencionada.

E fecha exacto di e aniversario aki ta dia 1 di mei 1963, pero e celebracion lo worde teni dia 3 di december venidero.

Bestuurscollege ademas a suplica pa e suma aki worde gasta riba construcion di e kleuterschool pa Santa Cruz, riba cual ya e parokianan a cuminsa traha algun siman pasa.

Na luna di april di e anja aki e asunto di f.25.000,— a worde treci pidiñan eha den Eilandssaad, pero Bestuurscollege e tempo ey a informa cu e lo worde trata mas despues.

DONACION DI f. 18.482,20 PA HUEZ J. ZUUR

Segun e landsbesluit di dia 17 oktober 1963 no. 17 un donacion di f. 18.482,20 a ser dona na mr. J. Zuur, kende te algun tempo pasa tabata president di Corte di Husticia di Antillas Hulandes. Mr. Zuur, despues di deliberacion cu gobièrno a pidi su retiro honoroso como president di e Corte di Husticia di Antillas Hulandes, prome cu su termino a jega.

Ta ser bisa cu e retiro a worde pidi na interes di e cooperacion intimo cerca Corte di Husticia di Antillas Hulandes.

E suma di f. 18.482,20 cu mr. Zuur a ricibi tin relacion cu e periodo cu ainda tabata falta pa e cumpli, prome cu su termino a jega.

E Landsbesluit ta firma pa e Ministro-President y alavez Ministro di Husticia, E. Jonckheer y e Ministro di Financia, E.O. Petronia.



Gobernador N. Dehrot

GOBERNADOR DI ANTILLAS LO DISCUTI 30% ANTILLANO Y CONTRABANDO NA VENEZUELA

Na Venezuela tin e noticia cu e Gobernador di Antillas, dr. Nicolas Dehrot lo haci un bishita oficial for di dia 28 di oktober pa 3 di November na Venezuela riba invitacion di e gobièrno Venezolano.

E noticia ta bisa mas leu cu un vocero di e Casa Amarilla a informa cu aunke cu e bishita ta protocolaria, toch e oportunidad lo worde aprovecha pa discuti importante problemanan comun, aunter e contrabando for di Antillas Hulandes.

Ta ser informa mas leu cu ya un programa pa ricibi e hospednan a worde prepara. Gobernador Dehrot lo bini acompaña pa alta personalidatnan di Antillas Hulandes, segun e informacion for di Venezuela.

DIRECTIVA NOBO PA ASOCIACION DI COMERCIO E INDUSTRIA

E Asociacion di Comercio e Industria di Aruba e anja aki lo tene su reunion anual dia 11 di november venidero den e Conference Room di Aruba Caribbean Hotel.

Un di e puntanan principal riba e agenda ta e eleccion di un directiva nobo pa e anja venidero. Un siman prome cu e reunion aki e candidatonan pa e directiva nobo lo worde postula.

BOB L. HENRIQUEZ NA CABEZ DI DELEGACION J.C. PA TEL AVIV

Sr. Roberto Lopez Henriquez, ex-president y awor senador di Junior Chamber of Commerce di Aruba, lo ta na cabez di e delegacion di Antillas Hulandes cu lo representa Antillas dia 17 di November venidero na e Congreso Mundial di Junior Chamber International na Tel Aviv.

E congreso mundial lo tuma luga for di 17 pa 24 di november y ademas di sr. Lopez Henriquez tambe srs. Arturo Jesserum y Walter Gomez di Corsow lo forma parti di e delegacion.

Sr. Lopez Henriquez lo sali dia 12 di november venidero y ademas di Tel Aviv lo e bishita tambe e ciudadnan New York, Athens, Roma, Vienna, Paris y Amsterdam. E ta spera na bolbe Aruba na Principio di december. Anja pasa sr. U. Lathams di Aruba a representa Antillas na e congreso mundial na Hong Kong.

PORTA NOBO PA CELNAN DEN WARDIA DI POLIS

Diamars a tuma luga den oficina di D.O.W. e destajo publico pa trabanun di mantencion y veramento na e warda di polis na Oranjestad y pa renobacion di e portanan di celnan y drecamen-

Makes Great Gifts

PHOTOS

ENLARGED

"EUROPA"

Photo processing Laba

Waterweg 4 — Orstad

to di e celnan na e warda di San Nicolas.

Pa e dos encargonan aki e siguiente prijsnan a ser duna pa e contratistanan:

Marciel G. Tromp

Pa Oranjestad Pa San Nicolas

f. 54.350,— f. 24.653,—

Fa. Holman van Eerden

f. 54.930,— f. 25.750,—

Petrona & Croes

f. 55.250,— f. 24.700,—

Bouwmeij "Aruba" N.V.

f. 51.389,— f. 23.911,—

Leidro Lopes

f. 53.750,— f. 24.880,—

Behanan Aruba N.V.

f. 54.500,— f. 26.000,—

E permiso pa efectua e trabanan aki te ainda ta pendiente.

+

E PROME EXITO DI RHODA FRIGERIO; PUERTO RICO

Un otro viahe pa exterior ta para riba e programa di e cantante di concierto Rhoda Frigerio y e bisha aki ta e encantadora isla Puerto Rico lo banja e oportunidad pa seneba e voz italo-arubano di Rhoda.

E viahe aki di Rhoda pa Puerto Rico tin un nificacion grandi como cu di e manera aki e pueblo Puertorikenjo, cu dia pa dia ta tende mas y mas di nos isla por mira y tende actuacion di un di nos artistanan di mas sobresaliente. E proximo actuacion di Rhoda na Puerto Rico lo bira, huzgando su dos ultimo actuacionnan na Caracas y Surinam, un otro bon propaganda pa Aruba y lo demostra cu riba terreno cultural tambe nos tin figuranan destacante.

Durante di un recien viacion cortico na Puerto Rico Rhoda a wordo descubri pa un periodista, kende a invita e soprana Aruba-



Rhoda Frigerio

na na un recepcion di e diario "El Dia".

Algun di e personanan presente na e recepcion cu a jega di tende di e soprana Arubana a lavitè e ora ey pa canta algun numero den e programa cultural cu a wordo presenta. E actuacion inespera aki di Rhoda a cui asina

tanto na agrado cu nan a ofrece un contrato pa duna un concierto dia 12 di november venidero den e Universidad di Puerto Rico. E revista catolica "La Milagrosa" di Puerto Rico, despues di e actuacion di Rhoda, ya a scribi cu "Rhoda Frigerio, soprana valiosa for di Aruba, ta un artista c'un base musical solido y kende a perfecciona en voz na Italia".

No ta necesario desee Rhoda existe na Puerto Rico pa motibo cu ta sigur cu e lo haci un bon papel, pero si ta bon cu el acepta pa bai Puerto Rico pa di e manera aki e tambe contribui cu su canto na un fortificacion mas estrecho di e lexonan cu nos isla tin actualmente cu Puerto Rico.

Prome cu e sali pa P. Rico, Rhoda lo tene diadomingo awor dia 27 di oktober pa 7.45 di anochi dilanti di Tele-Aruba e "Show di Rhoda", den cual e mes lo no actua, pero solamente su alumnonan lo presenta canto y baile pa e televidentenan.

Tambe dia 3 di november Rhoda mes lo actua dilanti Tele-Aruba c'un programa clasica y acompaña na piano pa e director di Arubanse Muzikschool, sr. A. Seyler. E programa aki ta wordo presenta en cooperacion cu e Departamento di Cultura y Educacion di Gobierno.

+

BALLET FOR DI CORROW NA ARUBA

Despues cu algun anja pasa e ceol di ballet di Carlos Siliu for di Corrow a duna un show di ballet asina exitoso den e edificio di Sociedad Bolivariana na Aruba, awor un otro grupo di ballet for di e isle-ruman, e bisha aki e grupo di Cocky van Oost, lo jega nos isla pa duna e presentacion dia 15 y 16 di november den Centro Cultural.

E prome presentacion lo ta den horanan di anochi y e di dos ta e dia siguiente den horanan di

Cu of sin ijs
mezcla of separá

**Victoria
Soda Water**

y

Gingerale

ta indispensable
pa bo fiesta.



Agente na Aruba:

**Victoria
Bottling Co.**

mainta y e lo ta pa e souchanan di scol. E ultimo presentacion aki ta hun auspicio di e "Stichting Culturele Vorming in Schoolverband". E presentacion di e grupo Cursantenloja a ser baci posibel door di intervencion di Arubaanse Kunstkring y Cultureel Centrum Aruba.

Cocky van Oost a scoge 10 bailarina for di su scol di ballet na Corsow pa hini Aruba. E mes lo actua como bailarina principal durante e funciannan.

E grupo di ballet di Cocky van Oost ademá di ta demostra bailenan clasico, tambe tin un repertorio di ballet moderno y danzanan folklorico cu tasinan gusta den Antillas.

HUBILEO DI PLATA DEN MARIA CONVENT DIA 29 VENIDERO

Den e dianan venidero un otro hubileo di plata lo worde celebra den Maria Convent na Playa. Dia 29 venidero Moeder Vicaria di e Soesman Dominicanessen lo recorda e becho cu riba e dia aki e lo cumpli 25 aña den convento. Custer anja pasa Moeder vicaria, e tempo ey ainda zuster Edelbertha, a banja su nombracion y prome cu el a bira Vicaria e tabata traha como cabez di e scol di zusteran Dominicanessen na Volendam, Hulanda y despues como Priora di e convento na Amsterdam.

En comecion cu e hubileo di plata aki lo tin oportunidad pa duna Moeder Vicaria pahien dia 30 di oktober entre 5'or di tardi y 7'or di anochi na Maria Convent den Dominicanessenstraat.

CRISTO REY DEN IGLESIA DI SAN NICOLAS

Reverendo pastoor B. van Baars di parokia Santa Theresita na San Nicolas lo honra e celebra-

5039 — 5558



LAUNDRY? DRY CLEANING?
"SUPER CLEANING"
ARUBA STEAM LAUNDRY &
DRY CLEANING CO., N.Y.

Servicio pa buesa y entrega bo panja te na cas.

R.I.P.

*Pa medio di esaki nos ta
cumpli cu e triste deber
di anuncia fallecimiento di
nos asesor spiritual*

**P. fr. Antoninus
C. G. Speklé, O.P.**

*Ridder den Orde di
Oranje Nassau
Diasabra ultimo
na Arnhem, Hulanda*

*Directiva
Wit Gele Kruis Aruba*

FAST SERVICE ON



"EUROPA"
Foto processing Labs
Waterweg 4 — O'stad

cion di e fiesta di Cristo Rey diadomingo awor, cu algun sacrificio di misa dedica especialmente na e fiesta aki. Diadomingo awor lo no tin diferencia entre misanan di mucha y misa di hende grandi, sino tur e misanan lo ta igual. Di e manera aki benter un familia completo por bishita e mesun sacrificio di misa pa reza bunta y di e manera aki considera Cristo como e berdadero Rey di ser humano.

PROGRAMA RELIGIOSO TUR DIABIERNA 6:40 VIA T.V.

Tele-Aruba lo presenta tur diabierna anochi pa 6:40 un charla religiosa cu lo carga e titulo "Hende na ta biba di pan so". Ta e intencion cu un comision forma pa sacerdotenan, frere-y soeurnan lo percura pa e programa aki. Ta e intencion tambe pa cada luna tene 3 di e programanan aki na Papimentu y 1 bishita na hulandes y si den un luna tin 5 siman, anto tene un di e charlanan na idioma ingles tambe.

ARTISTANAN HULANDES DEN CENTRO CULTURAL OTRO LUNA

Dia 5 di november venidero e pareha casá Jules Croiset y Sonja Brill, di Hulanda, lo duna un actuacion den Centro Cultural na Oranjestad hun auspicio di Sticusa.

E pareha declarador aki actualmente ta haciendo un gira na Norte - y Sur America y prome cu nan jega Aruba nan lo presenta den tres ocasion na Corsow, cuminsando dia 25 di e luna en curso.

Entre otro nan lo presenta cu algun storienan Ruso y otro declamacionnan varia. E pareha lo sigi despues cu nan gira den Caribe y Sur America.

OTRO SHOW DI PELUQUERANAN NA ARUBA

Pa di dos anja consecutivo e Club Artístico de Peluqueras na Aruba, hau direccion di nan presidenta sra. Dolores Arends, lo tene un show di penjamato di cabai.

E show aki lo ta dia 26 di oktober venidero pa 9'or di anochi den Palmbeach Club.

Un total di 18 peluqueras, cu lo manda un candidata e anochi aki, a inscribi caha pa toma parti.

Manera ta conoci lo worde eligi foe di tur e damanan cu e anochi aki lo demostra nan peinado, un reina, cu lo hira e reina di e Club Artístico de Peluqueras na Aruba.

Anja pasa e bonor aki a hai pa sra. Enid Marugg, e actual reina di Carnaval di Aruba. Despues di e show dia 26, lo tin baile te den boranan di marduga. Tur loke cu e anochi aki produci na entrada lo worde regula na e organizacion caritativo "Un Yuda Otro".

MANDA PAKETENAN DI SINTERKLAAS Y PASCU NA TEMPO

Director di postkantoor a anuncia cu tur e personanan cu kier manda tarhetanan di felicitacion pa Pascu y Anja Nobo esakinan mester ser poni na post no mas laat cu e dianen siguiente: Pa Europa, no mas laat cu 15 november 1963; Pa Merca no mas laat cu 11 december 1963; pa Suriname no mas laat cu 4 december.

E fechanan stipula aki riba ta pa e tarheta y paketenan cu ta worde manda cu haper (aeropost). E fechanan pa tarhetanan cu ta worde manda cu avion (luftpost) ta lo siguiente:

Tarhetanan di Pascu y Anja Nobo mester ser poni na post pa Europa no mas laat cu 16 december 1963; pa Merca no mas laat cu 18 december; pa Suriname no mas laat cu 17 december.

Pa loke ta trata di tarhetanan cu ta keda den Antillas mes esakinan mester worde manda pa mas laat dia 18 december si ta trata di tarhetanan pa Pascu, y dia 27 di december si ta trata di tarhetanan pa Anja Nobo.

SANTA CRUZ TA CONSTRUI PROPIO SCHOOL

Ta mas di un siman caba cu riba e pida terreno paha di Club

nan pasa cu un seccion grandi pa banja fondo pa jega na construcion di tal school.

Actualmente e comision aki ta dispone riba un suma di fls. 40,000.-, ohteni foe di e diferente seccionnan cu e comision a tene caha.

E fianza di fls. 25,000.— cu a ser pidi algun luna pasa na e territorio insular di Aruba y cu a causa asina tanto sensacion den Eilanderaad, te ainda no a worde ohteni y e comision lo sinti un gran alivio si esaki lo por hini ainda.

E klenterschool di Santa Cruz lo bin banja cinco klas cu veran da cu lo carga na tur mas o menos 200 muchu.

Ta ser spera cu e construcion di e school lo keda cla prome cu 1 anja di tempo.

"MARIA DI SERTI NOKA" DEN CENTRO CULTURAL

Mascaruba, e agrupacion comedia cu na Antillas ya a hira un compresion, prome cu fin di e anja aki lo presenta un otro comedia. E biaba aki e titulo lo ta "Maria di Serti Noka" y ta hau direccion di e regisor di Sticusa, Piet Eelvelt.

E traduccion original na Papiamentu di e comedia aki ta di des-Raoul Romer. E number original di e comedia aki ta "Meriken van Nieuwgehoen". E regisor Eelvelt hunta cu miembronan di Mascaruba a cambia e comedia di tal manera cu awor ta pas na e tempo di antes y ta lunga den e pueblo di Santa Cruz.

E datanan historico di e comedia aki a worde toma foe di e luki "Aruba" di dr. Job. Hartog. E personanan cu lo tin un papel den e comedia aki ta: Lulu Marchena, Cristina de Freitas, Susana Gutierrez, Yvonne Spellen, Jani Hoevertz, Oslin Bockhoudt, Pepe Fradl, Orlando Ferrol, Gochi Pieters, Ciso Martia, Alfredo Rosenstam, Remigio Mathilda y Domi Tromp.

E REGALO IDEAL

pa bo regalo bo esposa ta un

REFRIGERADOR

Gibson

E REFRIGERADOR CU

TA BRUNDABO

LUBO Y CONVENIENCIA

NA UN PRIJS

ECONOMICO

Y CU NO MESTER

WORDU DESCONGELA

NUNCA.

TEXAS

Furniture Store

Emmestrasat 6A

Telefon 1022 - 1023

Estrella na Santa Cruz un cantidad regular di boluntarianan di e distrito menciona a cuminsa cu e trahamnan pa construi e prome klenterschool moderno pa Santa Cruz.

Tur atardi y riba week-end e boluntarianan aki ta reuni pa caba y lusha eement pa e fundeshi di e klenterschool cu lo bai cubri un superficie di 700 meter. Manera ta conosci sr. Candido Angela ta e persona cu ta president di e comite cu a cuminsa luma-

RELIGION

FIESTA DI CRISTO REY FIESTA DI HOMBER

Algun tempo pasa na un ciudad grandi na Merca — Chicago — un congreso Eucharistico a tuma lugar. Di tres dia tabata dia di hombernan: mas cu 200.000 homber a bini custer pa custer for di tur skina di e ciudad mundial y a reuni den un stadion grandi. Nan a scucha diferente oradornan, cu a papia riba santisima Eucharistia - Reinado di Cristo den bida cristian etc. Despues nan a paga tur luz den stadion excepto dos luz macha grandi, cu a tira nan luz abundante riba un altar meimei den stadion cu un monstru grandi cargando su Mahestad. Un ratu despues tur e doceen mil hombernan a cende nan hela como simbolo di nan fé y fieldad. Henter e stadion a bira un luman di luz y dos cien mil homber e renobanan fieldad na Cristo Rey y a canta nan TE DEUM — un manifestacion di fé cu ningun di e participantenan no por lubida nunca mas den nan bida.

Sin discuti e balor di un manifestacion masal, manera a tuma lugar na Chicago, e ta un cos pa pensa ariba awor cu nos ta preparando pa celebra Fiesta di Cristo Rey riba e ultimo Disdomingo di October. Den diferente parrochianan pastornan ta organiza algo special pa nos hombernan pa nan corda nan debernan cristian y muestra mas fieldad na Cristo Rey.

Lastimamente nos mester constata cu anja pa anja e cantidad di homber cu ta bin pa renoba nan bida cristian ta baha y no ta sin motibo si nos cuminsa duda si mayoría di nos hombernan tin derecho ainda pa carga e nomber cristian. Sigur casi tur ta ya-



p. Lr. M.s. Lookveld

ma nan mes ben estolico, ben religioso, pero si bo ta puntra nan, si nan ta cumpli, bay masha regularmente, ricibi sacramentonan, anto contesta ta muestra muchu vez cu ta un fé sin practica, un fé sin obra, y un fé sin obra, sin practica, ta un fé sin contenido, sin balor, manera San Jacobo ta sinja nos. Fiestanan den maza, celebracion di mysterionan di nos fé ta bira mas y mas un cuenta di muhernan y muchanan, y hopi di nos hombernan mester reconocer: ta hopi dia eha mi no ta den e cuenta ey mas.

Den nan bida H. Cristo no ta reina mas, pasobra ta nan mes ta manda, of mihor bisa: ta ley nan y custumbernan contrario cu nan fé ta domina nan manera di bida. Nan fé no tin ningun influencia mas den nan bida — nan fé ta un cos accidental, un cos exterior, un varnis, un bachi cu nan ta bisti na ocasionnan especial so.

Riparando esaki, topando cu e indiferencia pa principionan religioso, cu ta haci mas y mas victima den nos pueblo, bo ta spanta y casi bo ta cuminsa kere cu masha hopi di nos ta perdi caba pa nan religion. Nan ta biba den un otro mundu cu ta contrario cu un bida di gracia di Dios — y mas peor nan a custuma cané.

Tur esakinan ta posibel pasobra Hesu Cristo no ta un rey terrenal, un rey sin violencia, E no ta for-

za ningun hende, un Rey cu ta pidi siribishi den libertad. En realidad Hesu Cristo ta Rey riba henter creacion y riba tur creaturanan cu tur loke nan ta y tur loke nan tin. E tin tur poder — E por brega nos — E por castiga nos — E por forza nos di obedecE!e cu tur sorto di castiganan. Irresistible su forza ta! Pero H. Cristo no ta usa tur e posibilidanan ey, pasobra su Reino no ta di es munda aki. Na lugar di forza El a muestra nos su amor inmenso comprando nos libertad pa un prijs masha haltu, danduna bida humano su balor atrobe, contando cu bon voluntad di hende cu lo coresponde tanto bondad y amor como gratitud y fieldad. E ta sigui manda riba nos manera un bon wardador, danduna e berdadero felicidad na tur cu kier siguiE!e. "Si boso ta stima Mi, boso lo warda mi mandamentonan".

Tibatin un tempo, e promer tempu di cristianismo, cu hende cristian tabata sinti nan mes asina uni cu Cristo, cu henter nan bida tabata marcá cané. Nan tabata deboto pa motibo di Cristo — nan a resa hopi pa motibo di Cristo — nan tabata ben un pa otro pa motibo di Cristo. Nan a biba puro, sincero, honrado y fiel pa motibo di Cristo. Cristo mes tabata nan bida, manera Santa Escritura ta bisa.

Nan chiempel por inspira nos pa renoba nos fieldad na Cristo Rey. Camina Hesu Cristo ta manda, tin paz, tranquilidad y felicidad.



OTRO AÑA CU A PASA

Lo celebrá su cumpleaños mañan Diabiernes 25 di October, Sra. Regina Croes.

"Observador" ta envia un cordial pablen pa Sra. Croes, desearando e hopi aña mas di bida y felicidad, den compania di tur su familia.

UN PABLEN PA ALBERT RAVEN

Otro felicitacion di cumpleaños ta bai di parti di Observador pa Sr. Albert Raven, kende Diadomingo 27 di October ta cumpli un aña mas di feliz existencia. "Observador" ta desea Albert ademas tur clase di felicidad y progreso pa futuro den compania di su distinguida familia.

FELICITACIONES PA CARLOS L. CROES

Un otro cumpleaños cu nos lista ta menciona pa e siman aki, ta di Sr. Carlos L. Croes, Diamars proximo 29 di October.

"Observador" ta spera cu "Celebs" lo disfrutá felicemente di su dia di cumpleaños, y ta desea tur cos bon pa e añanan venidero, den compania di benter familia.

BODA DI PLATA

Diasabra venidero, 26 di October Sr. y Sra. J.N.J. Rojer, lo recordá cu binticinco aña pasá nan a drenta enlace matrimonial. Sr. Rojer, kende actualmente ta Outvanger di e territorio insular di Aruba muy pronto lo celebrá tambe su binticinco aña den servicio gubernamental.

Na ocasion di Boda di Plata di Sr. y Sra. Rojer, "Observador" ta expresá su sincero deseo, pa e feliz parcha aki por sigi disfrutá di innumerable añanan mas di bida y felicidad, den e grato compania di tur familia.



Jeffy de Veer

CUMPLEAÑOS GERARD DE VEER

Diabiernes 25 di October, ésta mañan, Sr. Gerard de Veer, bon conoci como "Jeffy" lo recordá su cumpleaños.

"Observador" ta felicita Sr. de Veer sinceramente, deseando e hopi aña mas di éxito y prosperidad.

CAPEIS LACLE DI FIESTA

Lo ta di fiesta Diamars 29 di October, na ocasion di su cumpleaños, Sr. Capeis Lacle.

"Observador" ta envia un masha pablen pa Capeis, cu e mehor deseonan pa un bida largo y dichoso den compania di su señora y yianan.

FECHA NATAL MARIA KOCK

Mas felicitacion ta bai pa Sra. Kock, kende Diabuebs avor 31 di October ta lega otro aña atras. "Observador" ta expresá tur bon deseonan pa Maria, y ta spera cu e lo pasa su dia feliz y contento den compania di tur su sernan stiná.

DI BISHITA NA NOS ISLA

Diamars anochi a yega nos isla, Sr. Clemente Lacle, nos correspondiente na Costa Rica.

"Observador" ta desea Clemente un cordial bonbini na su isla natal, y ta desea dianan placentero riba Aruba.

CONGRATULACIONES

Nos ultimo cumpleaños di e siman aki ta di Sr. Maria Luisa Vieira, Diabuebs 31 di October. "Observador" ta haci uso di e grato oportunidad aki, enviando un caluroso pablen pa "Wisha".

S. H. TJON AJONG-OFFICIER DI JUSTICIA

Diasabra pasá a tuma bogar na Parke di Ministerio Publico, e instalacion oficial di Sr. S. H. Tjon Ajong como Officier di Justicia.

Den oranan di mañanta, durante un ceremonia cortico, Sr. Tjon Ajong a haci huramento den presencia di abogado general mr. J. Brouwer, como representante di Procurador General.

Pa banda di merdia e acontecimiento aki a wordo celebrá den intimidad na e oficina di Parke na Oranjestad. Entre e presentes nan tabatin e.o. su colega na di trabau, representantenan di polis, di abogado, y tambe su amigunan.

DIRECTIVA PA OUD-SENIOREN TRUPIALEN

Diadomingo pasá e organisacion di Oud-Senioren Trupialen a tene un reunion den nan Club pa scege un directiva entre e diecun asamblea.

A keda eligi como president Sr. Alcides Quilotte; secretario Sr. Josy Tromp y como tesorero a wordo eligi Sr. Luis Richardson. E organisacion di Trupialen aki, cual ta un grupo recién establecido, ta trahando nan plannan di actividadnan.



BINGO

E Bingo Comercial aki ta wordé presentá tur siman door di "Observador". Por wordé gansá semanalmente un total di f. 150.—, prime premio di f. 75.—, un segundo premio di f. 50.— y un tercer premio di f. 25.—.

E manera pa participa ta masha facil.

Cada producto mencioná riba e tabla di Bingo, ta representa cuater number, por ehemplo Amstel ta representa e numbernan 10—35—60—85.

E Bingo aki ta core simultaneamente cu e Loteria di Beneficencia Publica del Distrito Federal na Caracas, cual ta hunga tur diamars y di cual e resultado ta wordé publicá tur Diazon den e diarionan venezolano.

E Loteria di Caracas tin tres premionan grandi y e dos ultimo cifranan di e numbernan ganador na Caracas, ta indicá e number ganador di e Bingo.

Por ehemplo. Diamars, e prime premio di e Loteria di Caracas a cai riba number 6968. E ultimo dos cifranan di number 6968 ta 68, kier meen cu e prime premio di e Bingo ta corresponde na e producto Nutricia.

E segundo premio na Caracas tabata 7244. E ultimo dos cifranan di number 7244 ta 44, kier meen cu e segundo premio di e Bingo ta corresponde na e producto Sapolin.

Y e tercer premio di Caracas tabata 6685, siendo e ultimo dos cifranan 85, loque ta significa cu e tercer premio di e Bingo ta corresponde na e producto Amstel.

B

38



**BOEKHANDEL
MARISKA**

63

43



Mansur Trading Co.

68

48

OVALTINE

Posner's Agencies

73

28

Productionan



**N. HABIBE JR.
Supermarket**

53

33

Arends



Servicenter

58

I

88

9 **NORDMENDE** 89



**Texas Furniture
Store**

64

44



**Arends Hardware
Store**

69

49



**PIET'S
Soda Fountain**

74

29

NESBITT'S

**ARUBA BOTTLING
COMPANY**

54

34



Jossy Motors

8 39

M

40



Aldotrav

65

45



Nassaust

70

25

F R



50

30

MAPLE

CU FILTER Y

Shanghai

55

35



Licores A

9 60

N	G	O
90 A.C. bureau	41  Jossey Motors	91 42  Mansur Trading Co.
15 95 traat 19	66 46 Tires YOKOHAMA  Croes Auto Supply	16 67 96 47 RON 
20 75 E E	21 26 HELENA RUBINSTEIN Botica Aruba	22 77 Licores Aruba N.V.  Super Corporation
0 80 ETON SIN FILTER Store	51 31 H. S. CROES STORE Maurice 94 - Sta. Cruz	1 52 81 32 
5 85 TEL Aruba N.V.	56 46  Posner's Agencies	6 57 86 37 Jossey Motors 
10	61	11 63 Jossey Motors 12

Bao di e pagina aki tin un slip y tur siman e participantenan na e Bingo master yena e tres productonan cu nan ta kere cu lo sali number 1, 2 y 3, huntu cu nan number y adres completo y prome cu e *Dianars* siguiente na e fecha di e "Observador" ey, nan master entregá na oficina di "Observador", na Wilhelminastr. 31, of mandé pa post, via P.O. Box 142 na Oranjestad, Aruba.

E persona cu a yena e producto correcto pa e prome premio ta haya f. 75.—, esun cu a yena e producto correcto pa e segundo premio ta haya f. 50.— y e persona cu a yena e producto correcto pa e tercer premio ta haya f. 25.—.

Pero tin un restriccion. E participantenan ganador no ta haya e suma ey cash, pero nan ta haya un vale cu e suma cu nan a gana, pa gasta cerca e firma cu ta agente di e producto ganador.

Kier masha si Pablo Jansen a gana e premio cu e producto NUTRICIA, e ta haya un vale di f. 75.— pa gasta na Mansur Trading.

Si tin mas ganador di cada premio, lot lo dicidi y e siman siguiente e nombernan di e ganadornan lo worde publicá den "Observador". Nos ta desea tur nos lectornan suerte y mas suerte.

GANADORNAN BINGO

17 October 1963

1o Premio —

No. 45 "Mario's"

G. Walle - Olijfstraat 8

2o Premio —

No. 01 "Helena Rubinstein"

S. Felida - Golfweg 31

3o Premio —


No. 56 "H. S. Croes Store"

Franciscen Wernet - Urutaka 7 n.

Producto No. 1 : No. 2 : No. 3 :

Number : Adres :

CRUCIGRAMA



- 65 Add "O" to row.
 66 Scaport in Japan without last letter
 68 To bother.
 70 Girl name
 71 Negative without last letter
 73 Animal
 74 Girl name
 75 Soviet Union
 76 Month.
 77 Same as Hor. 75

VERTICAL

- 1 Bachelor of Science
 2 Girl name
 3 Used for rowing plural.
 5 West Lenght North
 6 Poetic old
 7 Silver
 8 Insurance Company
 10 Neet Algeria
 11 O. A. L.
 12 Netherlander (Abbr.)
 14 Syrian Philos. without two last letters
 16 Great French emperor
 18 To be third person singular
 20 American patriot "Brother Jonathan"
 22 Association
 23 Coin your -----
 25 Capital of Holland without last letter
 27 ----- Grape
 31 O. E. M. P.
 32 Illinois Institute of Technology Backwards.
 38 First name of actor in Horror Movies
 39 Place for last Rest.
 40 To put a boat in motion
 45 Roman Poët and dramatist
 47 A short line
 48 Opposite of to purchase
 50 Process of going through a membrane by a liquid
 57 ----- and Magog

(E ta sigi na pag. 18)

HORIZONTAL

- 1 To form a current of air
 5 Opposite of man
 9 The middle of the day
 13 A bill beneath the surface of the sea
 15 The commander of an army division
 17 Pertaining to doctrines of Arius of Alexandria
 19 Pertaining to slips
 21 Ship of Training Marines (Abbr.)
 22 One of the Continents without last letter
 24 Writing device
 26 Abbr. for Ronald
 28 E. B. P. S.
 30 Opening in wall
 32 Technical Man
 33 United States of America
 34 Abbr. for Leely
 35 Sea Snake
 36 School for International Correspondence (Abbr.)
 37 System of dutch education
 38 Domesticator of Lions
 42 R. O. C. N.
 43 Lacking money
 44 United Nations
 46 New Hampshire
 47 German Money system (plural)
 49 North-West
 50 Correlative of either
 51 Venezuelan Aviation Co.
 55 D. S. D.
 56 Geographical miles
 59 Girl name
 62 VROT
 63 Boy name

Lema di siman:

Vert. 55 - Vert. 4 - 53 Hor. - 41 Hor. - 9 Vert - 52 Vert.

CRUCIGRAMA No. 36

Number: _____ Adres: _____

INTERESANTE REPORTAHE
ANUAL DI ORANJESTAD
LITTLE LEAGUE



Den e dianan aki a sali e reportage di e actividadnan di Oranjestad Little League den anja 1963. Detayadamente ta ser duna e acontecimientos cu a tuma luga y na ki manera e directiva ban presidencia di Morris Serphos Jr. a enfrenta nan.

Entre otro ta para den e reportage cu e campeonato di e anja aki, den cual Oso-Grape di Oranjestad a bira campeon di Aruba, a bai asina bon cu no tabatin ningun di e hungadornan cu a comporta nan mes malo y pa e motibo ey ningun straf na a worde aplica durante beater e campeonato.

E anja aki tampoco O'stad Little League no por a participa na e Campeonato Mundial di Little League, pa motibo cu no a bini un invitacion for di Little League International na Williamsport, Pennsylvania. E idea di L.L. International ta pa banga un serie entre Aruba—Corsow—Maracaibo y Caracas y e ganador di e serie aki lo bai directamente na Williamsport pa participa na e campeonato mundial. Pero como cu ni Corsow ni Caracas no a cuminsa aluda cu Little League, Oranjestad Little League mester a lubida riba e viahe. Un carta di protesta a worde manda pa motibo cu e invitacion no a bini.

Mesos cu den anjanan pasa tur e maneranan, coachnan, hungadornan y umpires tabata segura contra di accidente durante training, transportacion y e weganan, pero tur cos a bai bon y ningun accidente a worde registra.

E anja aki Oranjestad Little League a hanja un cooperacion unico for di e "Umpires & Scorers Associations", ora cu e asociacion aki a dirigi tur e weganan di Little League completamente gratis.

Den su empenjo pa hanja un pida terreno riba cual e hunga-

dornan di Little League por a tene nan practicanan, e directiva di Little League a dirigi un carta na Bestuurscollege pa hanja un pida terreno drecha pabou di oficina di D.O.W. Bestuurscollege a informa cu no tabatin placa disponibel riba begroting pa e pida terreno cu kestion.

Tocante di e situacion financiero di Oranjestad Little League ta hanja cu no a cobra entrada pa ningun di e weganan y pa e motibo aki no tabatin entrada. E gastonan al contrario si tabata mas bopi cu den anjanan anterior, como cu e anja aki a worde hanga riba 6 terreno. Den un afan pa banga mas fondo e directiva a tumu diferente pasonan.

Anja pasa Little League a pidi Lago ayudo financiero pero e compania a recomenda Little League pa mibo arudi cerca A.S.U.

E peticion a bai na A.S.U. pa juda cu trabamento di "backstops" den e districtonan, pero e peticion aki pa un subsidio no a worde trata ainda.

Little League ainda no a banga contesta tampoco riba un peticion na gobierno central pa hanja algun accion for di e Loteria di gobierno.

E peticion aki a worde manda for di principio di anja pasa.

Gracias na un rida cu a ser teni anja pasa na december e directiva a hanja e placa cu cual por a paga tur e gastonan pa por a cuminsa e campeonato di 1964.

Dia 31 di agosto di e anja aki un otro rida a worde teni pa juda na banga mas fondo.

Esaki tabata un resumen di e reportage anual di Oranjestad Little League, cu ta termina cu agradecimento na tur persona y instancianan cu a coopera cu Little League den e anja cu a cala.

Softball

E hoben equipo di Aruba Jrs. te ainda ta sigi invicto y na cabes di e campeonato local di softball, despues di nan triunfo numero cinco diabierna anochi, riba Amstel cu score di 16 - 5.

Den e partido aki a destaca e pitcher di Victor Albus di Aruba Jrs. kende no a permiti ningun hit den e prome 6 inningnan na e batadornan di Amstel. Amstel ta conta cu algun di e miho batadornan di campeonato y ta pero e hasanjan di Albus ta algo cu bai aplauso. Ora cu Amstel a reaccionar fuertemente den e ultimo inning y a anota 5 carrera riba 4 hit tabata bopi laut pa desquita e ventaba grandi di Aruba Jrs.

Mauro Estrada y Aric Swann a conecta homerun pa Aruba Jrs., mientras cu Eddy Croes a conecta uno pa Amstel.

Aruba Jrs. a bati 15 hit y a comete 3 error. Amstel tabatin 4 hit y a comete 11 error. A gana e partido Victor Albus y a perde Oslin Boekhoudt.

E segundo partido di diabierna anochi a trece un wegá espectacular entre Paxton Clippers y Los Novatos. For di tempran y cigarilleronan a tumu un ventaha riba e Novatonan, pero segun e inningnan tabata bai pasando e diferencia tabata bira menos. Den di seis inning Novatos a reaccionar decidido ora cu, hanjando dos companjers na base, Ramon Reyes a conecta un larguísimo homerun den leftfield. Cu e homerun aki e wegá a bira 9-8 pa Paxton. Den nan ultimo oportunidad na bate Novatos a duna e cigarilleronan e sla fatal ora cu nan a bini cu e dos carreranan di victoria, mediante di un hit di oro di D. Soto, cu a laga Clippers den terreno. E partido a termina 10-9, cu pitcher ganador Ale Maduro y perdedor F. Yarzagaray. Los Novatos a conecta 10 hit y a comete 3 error y e resultado pa Paxton Clippers tabata 13 hit y 2 error.

Futbol (Internacional)

Futbol na Inglaterra den hopi sentido ta diferente for di esun di nos isla. Recientemente a keda decidí cu den futuro un hungador di futbol ingles lo por pidi hasta luna si e kier y e club lo por dani easki si e por, pero e mesun hungador aki no por pidi su libertad for di e club.

E Liga di Futbol a anuncia e clausula aki, despues di a reforma 20 di e 77 reglanan, na e mesun momento cu el a perde un caso cu a worde hiba dilanti buec pa e equipo Arsenal y e interior derecho George Eastham cu a kiba cu e clausula di "retención y transferencia" ta igual na nada otro cu esclavitud.

Na comienzamento di e anja aki e buez Wilherforce a sentencia cu e sistema ta un restriccion irrazonable di e libertad di comercio y cu por lo tanto, e tabata ilegal.

E Liga y e Asociacion di Futbol a decidí pa no apelá riba e decision aki, pero nan a pidi nan abogado nan un redaccion nobo di e contratonan di manera cu e Corte no por a hiba nada y e situacion no a cambia.

E contrato nobo lo worde discutí pa e 92 presidentenan di e clubnan di e Liga dia 5 di november y si e worde aproba e lo worde presenta na e Asociacion di Futbolistanan Profesional pa aceptacion.

Di acuerdo cu e antiguo contrato e hungador cu nenga na renuncia na momento cu su contrato termina no tabata recibí su sueldo pero e tabata worde manteni den e elenco di e institucion.

Si ningun club aparece c'un oferta interesante pa su serviccionnan e unico cos cu e por haci ta acepta leke e club ofrece e dedica su mes na un otro cos.

Awor, di acuerdo cu e redaccion nobo e club, na momento cu e contrato di e hungador termina, por scope di e siguiente manera:



1. Tuma e opcion di retene e hungador na un sueldo no menos di leke e hungador tabata gana.
2. Tuma e opcion, pero nota hungador riba e lista di e transferiblenan. Mester informa e hungador, meskos cu e Liga, e cantidad di suma cu por ser reduci den e negociacionnan.
3. Renuncia e opcion, den cual caso e hungador ta den e situacion pa busca un otro club.

Di acuerdo cu e convenio aki e salario di e hungador ta garantiza hasta ora cu e contrato termina. E contrato anterior tabata obliga e hungador na acepta e condicionnan nobo y keda sin sueldo.

E Liga a anula tur e debernan den materia di pago di salario, pero e convencionnan lo ser cosnan di exclusiva negociacion entre e club y e hungadornan, pero lo no tin mas premio pa puntonan ganá e victorianan den e competicionnan internacional.

E cuatro prome equiponan di cada un di e cuatro divisionnan lo tin cu dividi un suma di placa como premio entre e hungadornan.

Finalmente e hungadornan teniendo tur e cosnan aki na consideracion, lo por bin gana un 50.000 pond sterling pa anja.

Futbol (Local)

E invicto di Juventud Millonarios, e benjaminian den hoofdklasse, a cai diamars anochi ultimo, ora cu e Tricolorm di Solito, R.C.A., a propina nan e derrotu grandi di 4-0.

Durante henter e partido R.C.A., hungando sin e estelarnan Edwin Dirkx y Jose Boyé, a domina e Dakotrenan y e victoria tabata mercei den tur sentido.

Un publico hasta grandi a presencia e partido ban direccion di Mundo Kenap y cu tabata di hopi importancia tanto pa Juventud como pa R.C.A.

Un victoria pa Juventud lo a pone nan empata cu Estrella den prome lugá, mientras c'un victoria pa R.C.A. lo a mandanan mas ariba.

Den di 13 minuit di wega Foyito Albertox a muestra cu R.C.A. a bin decidido pa gana diamars anochi. Despues di varios atake riba e meta cuida pa Henry Kock, Albertox a hañi un bugada sabi y ricibiendo e bala den aire a tira mesora den skina di arriba, sorprendiendo e portero di Juventud por completo. Por poco e mesun Foyito Albertox a aumenta e ventaha di 1-0, ora cu 3 minuit despues, den otro bugada cu hopi tiniebla e ta tira duru riba gol, pero portero Kock ta luci garrando e bala den bon forma.

R.C.A. ta aumenta su ventaha na 2-0 den di 24 minuit di wega, ora cu Evaristo Gonzalez ta banja un bala den bon posicion y sin pordon e ta manda un cajonazo den e skina di arriba.

E andro chens cu Juventud a banja den e prome mitad pa anota nan prome gol a hini den di 29 minuit ora cu alero derecho Jacobo Pourrier a move bai riba ala robes y ricibiendo un bon pase e ta avanza y banja portero Caster di R.C.A. for di gol. E bala cu Pourrier a tira a pasa e portero-caba, pero pa un poco mala suerte e bala a pasa raska e poste bai out.

Proseme cu e prome mitad a termina, na di 40 minuut di wega, Joehi Jansen a cambia e score na 3-0 pa R.C.A., ora cu debi na un error di un di defensasman di Juventud el a podera di e bala y for di hasta distancia a tira fuerte den skina abao. E esfuerzo di portero Kock, kende a logra mishi cu e bala, no por a contene e bala cu a sigi su destino pa net.

Den e di dos mitad e caliber di e wega a cai masha hopi. Juan Sanchez a drenta na laga di Foyito Albertz como alero derecho pa R.C.A., mientras cu pa Juventud, Shon Ne Wiersma a drenta na laga di Tico Carolina.

Momentonan di emocion no a presenta ningun bala den e di segundo mitad. R.C.A. a sigi cu su dominio, pero e rapidid di e tricolornan a baha hopi.

E ultimo gol di R.C.A. y di e partido ta hini na di 28 minuut ora cu riba un corner tira for di robes, Evenio Gonzalez ta anota su di dos gol di anochi, cabazando e bala den e skina drochi di gol. Cu e score aki di 4-0 y sin mas emocion e partido a termina. E publico no a keda mucho satisfecho cu e partido y a spera mas di e oncena di Juventud, cu den partidonan anterior a duna mihó futbol.

E directiva di e equipo Juventud Millionarios di Dakota den e dia-

nan aki tin bon noticia pa e hungadornan.

A keda dicide cu si Juventud Millionarios termina e campeonato actual den un di e prome tres puestoan, esta campeon, sub-campeon o numero tres, e equipo lo hanja un visbe di regalo pa GUATEMALA, otro anja. E visbe aki lo por ser mira como un recompensa di e directiva na e hungadornan pa e bon actuacion den nan prome anja den nos clase mayor di futbol.

E Amarillonan di Dakota, campeon di Aruba, diasabra anochi a empata na 1 gol cu Estrella di Santa Cruz.

Estrella despues di e empate aki a pasa ocupa e prome puesto riba e tabla di posicion cu 9 punto. A parece na principio cu Dakota a hini cu gana pa blinka gol e anochi aki, ora cu ya den di 3 minuut di wega Jimmy Richardson a los un di su conocido disparanan sorprendente cu a resulta mucho difícil pa portero Leroy Vries di Estrella por a garra.

E partido despues di e gol a wordo hunga hopi meimei di terreno. Tabatin atakenan di tur dos banda, pero majoria di nan tabata wordo kilba pa e defensasman, cu a bai bon trabou den e partido. Den di 30 minuut tur cos a indica cu Estrella lo a empata e partido, ora cu Candy Wernet a tira duru riba gol y Yubi Richard-

son no por a tene e bala. E bala a sigi lora cu direccion den gol, pero tabata e mesun Richardson kende a haci un ultimo esfuerzo grandi y tene e bala prome cu el a pasa e linja blanco.

Na di 40 minuut di wega alero robes Dama Werleman di Estrella a haci un bunita bugada individual y a tira bon riba e gol di Yubi. E portero Dakotero sin embargo a tira sigur riba e bala y a pomp esaki, kitando e peliger.

E segundo mitad di e partido a trece e empate pa Estrella ora cu den 7 minuut a hini un voornet for di ala derecho den direccion di gol. Poetero Richardson di Dakota y e alero robes di Estrella, Dama Werleman, a sali pa-reu riba e bala. Pero Werleman a jega prome y a pone un cabezazo cu a bai di un pasi den e gol bandoma. Tabata un bunita bugada di Dama, kende a bunga su mihó partido di e actual campeonato.

E partido a sigi despues, cu e dos equiponan buscando e gol di victoria, pero e defenza di tur dos banda no a permiti mas gol.

E partido Dakota-Estrella den nos parecer tabata eun di mamiho bunga te ainda den e campeonato di e anja aki. Tabatin momentonan di bon futbol y e nivel di e partido tabata adecuado pa hoofdklasse.

PA TUR SORTO
DI ARTICULOS
DI SPORT

ACUDI NA

J. E. P. Cabenda

E Centro preferi pa tur bon deportistanan.

PASA NA
OUDE SCHOOLSTRAAT 3
Y CONVEENCE BO



Volleyball

Aruba a triunfa den e prome weg di volleyball femenino diasabra anochi riba cancha di Estrella na Santa Cruz, ora cu e damanman di La Fama a obtene e victoria den 3 game riba e Sexteto di empleadonan di e gobierno Puertorikenjo.

E "service" inicial di e partido a worde haci pa e Reina di Deporte di Aruba, srta. Dorilla Habibe, acompaña pa e president di Aruba Volleyball Association, sr. Roy van Putten. despues cu Yolanda Bislick di e team di La Fama a haci entrega di un boeket di flor na e team di Puerto Rico.

E team di Puerto Rico tabata consisti di e siguiente hungadornan: Fini Lopez, Millie Vazquez, Cuchi Soto, Gladys Colon, Magali Borrás y Carol Wiggley.

La Fama a presenta cu e siguiente damanman: Mirna Schwengle, Yolanda Bislick, Jeanne Schwengle, Lies Bislick, Astrid Kock y Jenny Torres.

Durante henter e partido e damanman di La Fama a mostra un superioridad riba e bisbitante. E score di e gamean tabata 15-13 pa La Fama den e di prome, 15-11, e di dos tambe pa La Fama y e di tres game 15-3 tambe pa La Fama. E partido a worde hunga segun e sistema cu e equipo cu gana majoria di e cinco weganan ta e ganador.



Baseball

E clase AA di baseball local e anja venidero lo ta conta c'un equipo nobo cu lo competi pa e titulo di campeon di Aruba. Ta trata di Verf Antillana, equipo cu den e ultimo campeonato a bira campeon di clase A y ultimamen-

te a gana dos liaba di Marlboro den e play-off pa dicidi cual di e dos equiponan aki lo competi otro anja den clase mayor di baseball.

Dos siman pasa Verf Antillana a gana Marlboro cu e score preta di 7-6 y dialuna ultimo nan a bolbe gana cu e score preta 8-7. E partidonan aki a tuma luga den Wilhelmus Stadion na Oranjestad.

Marlboro otro anja lo tin di competi den clase A. Den e partido di dialuna anochi Verf Antillana a anota 8 carrera riba 8 hit, mientras cu nan a comete 5 error.

Marlboro tabatin 7 carrera riba 5 hit y nan a comete 10 error. Pitcher ganador di e partido a resulta James Kruythoff y e perdedor, e veterano xurdo Claude Wilson.

Tennis

E duo Ciro Pleiers - Efraim Tromp diasabra ultimo a titula campeon di tennis di Aruba Jrs. ora cu den e partido final nan a derrota Boy Escalona - Edgar de la Nooy den dos set sigi, 6-2 y 6-3.

E partido a worde presencia pa un numeroso publico y despues di e partido e president di e seccion di tennis di Aruba Jrs., A. Dieffenthaler a dirigi palabra di gradicimento na tur e hungadornan pa nan participacion y na e campeonnan di e anja aki.

E clausura di e campeonato luego a worde celebra den e club cu "drinks" y cambio di idea tocante e exitoso campeonato.

(Cont. di pag. 14)

- 58 American State last letter becomes "h"
- 60 To pull along
- 61 Fight between nations
- 64 Associated Press
- 67 Boy name
- 68 Chemical formula for water
- 69 His royal majesty (in Spanish) abbrev.
- 72 Netherlands Antilles
- 73 Cultural Centre

CON PARTICIPA!

Si bo mira e crucigrama aki bon bo ta ripara cu bao di Horizontal y Vertical falta algun description.

Sirembargo, si bo soluciona tur e otro numbernan correctamente, lo bo haya automaticamente e palabranan cu no tin description pa nan y e palabranan ey tur siman ta forma un lema cu ta corresponde cu un di e famoso productionen di N.V. Winkel's Handel Montschappij.

Despues di a yena e lema correctamente riba e slip, hasta cu bo number y bo adres completo, promé cu Diamars merdia, sea bo ta entregu na oficina di "Observador", Wilhelmminstraat 31 Oranjestad, of mandé pa post via P.O. Box 142, Oranjestad, Aruba.

PREMIONAN DI E SIMAN AKI

- 1o Premio :
3 lt. Dewars White Label 12/1
- 2o Premio :
2 lt. Dewars White Label 12/1
- 3o Premio :
1 lt. Dewars White Label 12/1

RESULTADO DI SIMAN PASA

Lema di siman :

Camels zijn de meest gerookte van de wereld.

GANADORNAN CRUCIGRAMA

17 October 1963

- 1o Premio
Aloyis Franken
Havenstraat 7
- 2o Premio
R. Dijkhoff
T. F. No. 46

- 3o Premio
Jacobso L. Wever
Barcelona No. 3 Dakota

SOFIA LOREN A WORDE HOSPITALIZA

Na principio di siman a worde anuncia cu e artista Sofia Loren a worde hospitalizá, despues di a sufrí un desmayo den un estudio cinematografico na Italia.

E artista italiana, poseedora di e Oscar di e Academia di Ciencias Cinematográficas di Hollywood, a yora ora cu el a bisa na su tino den e clínica. E empresa cinematografica, cu a haci e anuncio, a bisa cu e artista di 29 aña di edad a worde sometí na un "operacion secundaria" y cu ya e tabata mehorando den un suite priva di e sala di maternidad. Durante un reciente entrevista Sofia Loren a declará: "E unico desco di mi bida ta di hanja un yiu. Te swor aki mi a logra tur loke mi tabata kier: amor, fama y riketa, pero mi ta anhelá ferocosamente pa un yiu."

DESGRACIA

Dos artista cinematográficos ta topa otro na e vliegvelld di Los Angeles.

Bu a vende di e desgracia cu a pasa nos colega Jack?
No! Kico a pas'e?
El a huy cu mi señora!



PELICULA NOBO

Riba e grafica aki e artista Rita Hayworth ta aparecé souriendo, ora cu e tabata casá cu e drenchamento di su cabai na Paris. Rita ta di bishita na Paris, y lo eligi vizita pa Spain, na unda e lo bai traha un película den cual pa di promer bisha, e lo hunga e rol di mama.

CARROLL BAKER Y SU TRIUNFO

Despues di Elizabeth Taylor, e artista mas nombrá di cine e aña aki, ta Carroll Baker.

Carroll Baker a traha, un película di escándalo y di éxito, ésta "Baby Doll".

Loke ta pasa ta cu Carroll ta bisá menos y menos y ta triunfa mas y mas.

Den "Station Sahara", "Insaciables" y su proximo film, cual no tin nomber ainda, Carroll ta aperecé cu masha poco paña riba su curpa y den algun di nan, totalmente sin nada.

Y e publicidad aki a cuminsa crea un atmósfera di misterio y peligro rond di dje.

NAN LO BAI TRAHA UN PELICULA DI EDITH PIAF

Jack L. Warner Bros., a anuncia cu nan lo bai traha un película besá riba bida di e recientemente desaparecí cantante frances Edith Piaf.

Warner a bisa tambe cu lo worde haci un encuesta na Francia pa determiná ta kende lo representá e famosa cantante den e película.

Esaki indubablemente lo bira un película masha interesante.



Rodolph Bing ta felicita riba e promer grafica, Birgit Nilsson, despues di a iniciá e di 79 temporada di e Metropolitan Opera House, na New York, cu su interpretacion den "Aida".

Riba e otro grafica por mira e elegancia di e concurrencia. E di promer ta Rosalind Elias, si-gi pa Patrice Munsel y Roberta Peters, kasanan tabatin bishitan luhoso bordá den plata y oro.

TEMPERATURA ABAB

E temperatura mas aban alcanzi pa un ser humano, sin cu el a muri, a worde registrá na Chicago dia 7 di Februari di aña 1951. Sra. Dorothy Mae Stevens a worde hanja e dia ey virtualmente bandoná den su kanser. Ora cu el a worde hiba hospital a worde comproba cu e tabata na bida ainda apesar cu e temperatura di su curpa no tabata mas cu 18° C!

PRONOSTICACION

Segun un "mago" frances, desde awor te na aña 2000 lo tin cinco Papa. Nan lo ta respectivamente italiano, frances, mericano, italiano, italiano.

Pues tres italiano, un frances y un mericano.

INTERES ORIGINAL

Riba e grafica aki por mira Angela, di e tribu Kenyah, di Sarawak, kende ta causa admiracion den e pueblo nan di e valle Bilut, cerca di Kuala Lumpur, Malasia cu su ornanan. Angela ta procede di e recién formá Federacion di Malasia y el a fasciná tur e demás damanan cu su apariencia física.



EX-PRESIDENT EISENHOWER Y SU SEÑORA

Riba e grafica aki ex-president Eisenhower y su señora, cu caranan alegre, a worde fotografia inseparadamente.

E portret aki a worde saca den e finca cu nan tin na Gettysburg, Pensilvania, na ocasion di e celebracion di e 73 cumpleaños di e ex-president.

DIGNIDAD

Na Madrid un señora di 80 aña a dana su casá di 84 aña un bon oca riba caya pasobra el a banja e casá "ta flirt cu un dama di 70 aña".

E señora despues a bai largo warda di polis, na unda el a declara cu el a sorprendé su casá ta "tira flor" pa un mosh di 70" pa cual motibo el a batid y a haña tur su cura.

E señora a bise e polisnan tambe: "No cu mi ta jalocia, pero loke el a bai ni mi ni ningun otro muer cu dignidad lo a contenti tal cos.

DESAPARICION VETERINARIO

Na Francia, den e santana di Barle-Duc, nan tabata drecando e grafian, y nan mester a move algun caba.

E trahadornan a banja un gran sorpresa, ora cu habriendo esun cu mester a contenté e restonan di un veterinario, esaki tabata completamente hadi.

CONSEHONAN PA CONSERVA BO JONG Y SALUDABLE

Recordá e momentonan agradable y lubidá esunnan tristo, a menos cu e momentonan tristo ey, a yuda bo conocé y profundizá bida.

Recordá e momentonan alegre y lubidá e lagrimanan. Recordá e ilusionnan y lubidá e desilusionnan.

ESPOSO DI EDITH PIAF

Theo Sarapo, di 23 aña, esposo di Edith Piaf, di 47 aña, ta aparece riba e grafica aki cu un cara tristo, despues di a asisti na e entierro di e cantante frances. Un multitud grandi a presenciar e entierro.



E HUEZ CRIMINAL

(Por Tuyuchi)

CAPITULO V

El a trompeca cai riba camina i tabata grita:

„Taha e ladron! Taha e ladron!”

Net ora cu e malbado a hui den e anchí smal camina e polis a sigui su tras, aya tambe nan a mira e mulado di cuchiu subi ta sleuter, quende nos conoce como e gran detective di fama mundial, maestro di tur detectivesan.

E arrestant a hui auto, segun e plan dje detective, quende awor tabata persigaie seriamente i peligrosamente.

E PERSIGUICION

Tabata costa e detective masha trabao pa sigui e fugitivo na un distancia sin perd'e foi bista i toch pa e ladron no mir'e. Diferente bez e malbado a draai mira atras, pero solamente un detective manera Richardson por a evita e ladron di mir'e, pasobra qui momento cu Richardson a comprende cu e ta bai draai cara, e tabata cai drumi plat abao, sconde tras di un troncon of hula den un monton di yerba i cosnan por estilo.

Cu un habilidad sorprendente Richardson a logra sigui e ladron deer di tur e caynan cu esqui a pasa te cu porfin den Mouroe-straat e malbado a bin drenta den un cas grandi.

Algun sconde despues Richardson tambe a drenta den e cas aq- ui. Sin haci nò di minimo ruido el a bin subi e trapinan; el a sigui e ladron te na un soldor espacioso na unda el a calcula cu e homber lo mester a hula den un bentana riba e dak i cu awor

lo e mester tabata camna riba e daknan.

Ainda e trapi tabata poni na e bentana dje dak cu tabata abri. E detective a subi riba dje i prudentemente el a saca su cabes lur den e abierta i a mira e malbado ta hui ta bai riba e daknan. El a mira cu ya e malbado a pasa como tres dak caba.

Awor e persiguicion a bira masha difícil p'e. Tabata awor di dia cla i den e parti di ciudad aq- ui tur daknan tabata plat. Solamente aq- ui aya tabatin un schoorsteen, tras di cual apenas e por a sconde.

Cu excepcion dje fugitivo aq- ui, no tabatin ningun bende otro ta camna riba e dak i si awor e bira su cara, sin duda lo e mester mira e detective, cu tabata persiguie.

Desengaña Richardson tabata morder su lipuan. Su plan lo fracas? E malbado lo saca auto for su vigilancia?

„No!” el a biza gritando duro i na tono desafiante. „Mi ta bai su tras”.

Richardson a trek op na e dak i a cuminsa su persiguicion tras di e malbado, scondiendo cada bez tras di e siguiente schoor- steen, lastrando manera colebra riba su barica of scondiendo tambe de bez en cuando den heet dje dak.

Tabata parece e fugitivo como si fuera e tabata completamente na libertad; solamente un bisha el a draai mira. Primamente el a camina entre e caja net su dilanti, despues el a quita pa banda robes.

Aya el a queda para i a draai mira. N'e momento si Richardson tabatin 30 paso di distancia foi dje i a sconde su tras, el a camina fluiz suavemente i a acerka un luik di beru cu tabata queda den e dak.

Cu trabao el a logra biza un dje

alanz di e porta pisa i luego su curpa a desaparece aden.

Ora cu solamente su cabes a queda visible, repentinamente el a bira su cara i a grita Richardson bafonantemente foi tras dje schoorsteen:

„Saludo, tur spion sushi di polis. Sigur b'a quere cu mi n' mira bo ta persigui mi?... Toch lo bo queda nanishi larga, pasobra lo bo no por arresta mi mas”.

I unbez e luik a cerra riba e malbado su cabes, mientras Richardson a corre bai aya, pero enbano. Solamente un rato Richardson a queda sorprendi.

„Carumba, esqui yama molester pornada. Aunque cu mi a tuma di mas grandi precaucion, toch e malbado a ripara cu mi tabata persigui... E ta un dje malbodonan diestra. Esei mi ta reconoce indubablemente”.

Na su turno e detective tambe a purba awor na abri e luik, pero tabata esfuerzo enbano. E malbado a grendel esqui parti p'aden. Un sonrisa amenantante a aparece riba cara di Richardson. I cu un boz cu tabata promete calma- didad el a murmura:

„Masque com diestra i habil cu bo quier ta, mi ta hura bo, mi amigo, cu lo bo no salba di mi toch masque quito bo haci”.

Awor Richardson tabata pensa na un manera pa e por penetra den e luga. E bentaninan di dak dje terrasan tabata mucho chi- quito i no tabata duna Richard- son ningun chens di por a tuma ningun medida.

Sinecubargo Richardson mester a dicidi algo ante rapidamente, pasobra e n' tabata su mas desti- no dje criminal. El a corre bai na kanto dje patio i a eni drumi plat abao ta lur na rand dje dak, pa e mira cu di e banda ei e n' por a drenta.

E ta sigi.

Pa pasa rasonan ameno den ambiente agradable, acudi na

PIET'S SODA FOUNTAIN



ARIES



21 Maart — 20 April

Esaki ta un siman di hopi actividad pa bo. Haci tur cos cu calma y bon. Bo situacion economico lo mebera hopi.

LEO



23 Juli — 22 Augustus

Distraccion den aire liber ta lo mehor cu tin pa bo e siman aki. Practicé tur deporte cu bo ta gusta. Asisti na fiesta y reunion.

SAGITARIO



23 November — 21 December

E siman aki bo mester consulta un dokter y sigi su instruccionnan. Discusion den cas. Separacion y mal entendimiento. No exagerá.

TAURO



21 April — 20 Mei

Na fin di siman lo bin un cambio pa bo. Esaki lo trece hopi éxito pa bo. Un familia lo pidi bo ayudo, no nega'e.

VIRGO



23 Augustus — 22 September

Un viaha di repente lo trece bo den dificultad. Un pleito lo bira grandi y lo perbudica bo hopi den bo negoshi. Situacionnan desagradable.

CAPRICORNIO



22 December — 19 Januari

Diaman di alegría pa bo. Fiesta y diversion. Bo ser stimá lo acercá bo. No perde bo tempo cu pensamento. Actua liber.

GEMINIS



21 Mei — 20 Juni

A consecuencia di un griep fuerte lo bo mester keda dos siman na cama. Sigí conseho di bo dokter. Evitá salimento den aire.

LIBRA



23 September — 22 October

E siman aki lo ta proverboso pa bo. Un cambio repentino den bo situacion economico. Lo bo tin un fin di aña masha feliz.

ACUARIO



20 Januari — 18 Februari

Doer di bo actuacion inteligente lo bo salba bo befe na trabau di un catastrofe. Lo bo worde premiá. Un dama lo trata di gaña bo.

CANCER



21 Juni — 22 Juli

Un amigo intimo lo traiciona bo y trata di perbudica bo. Solucion lo bin na bo labor. Pasenshi, no desesperá.

ESCORPION



23 October — 22 November

Felicidad den bo hogar. Un matrimonio dilanti di porta. Bo amistanan lo cooperá cu bo. Un amigo lo trece bon noticia pa bo.

PISCIS



19 Februari — 20 Maart

Suerte den loteria. Busca bo number favorito. No malgastá, compra lo necesario. Ta bin un tempo di escuez. Armonia den bo hogar.

ALEGRIA

E señora, drentando cas, masha contento, ta bisa su casá :
Cuminda a bira hopi caro.... P'esey mi a preferí compra un bistir pa mi mes.

REGALO

Un señora ta mostra un amiga di dje un bunita florero chinees.
Easki ta e regalo cu mi ta bai duna mi casá mañan pa su aña, el a bisa.
E ta masha bunita. Bo ta kere cu e lo gust'é?
Mi no sa; pero no ta porta, basta ami ta gust'é.

NO TA MESCOS

Entre dos amigo moderno.
Wel, bon, awor mi tata tin otro muber pa mantené.
E ta bígine?
No: aná a casa....

DEPORTE

Un mucha muber papiando cu su junkman :
Mi amor, mi ta masha preocupá.... Mi mayornan no ke pa mi casa cu bo.... Nan ta bisa cu bo ta haci masha deporte.
Bo tambe ta deportista.
P'esey mes! Nan ta bisa cu siquiera un mester keda cas!

SUFRIMIENTO

Un señora jong ta mata su casa cu un tiro di revolver.
Ora cu el a wordo detení, el a bisa e huez :
E tabata sufri demasiado, sabiendo cu mi tabata traicion'é

DESENGAÑO

Entre e señora y su casa :
Mi amor, dia cu mi a conocé bo, mi tabatin e impresion di cu mi tabata un rey.
Ahah! Y awor?
Awor.... ta parece mi cu mi ta un ministro sin portemonnaie.

Pedrito



e tipo



un poco



maldito



UN PAREHA CASA

Scucha mi un rato, mi amor, bo sa masha bon cuanto dificultad mi ta pasa, a consecuencia di mi situacion economico y, sin embargo, bo ta sigi compra continuamente bistiñ noba.
Bo ta inbusto! Mi ta segura bo cu mi ta preocupá masha hopi ta con lo bo haci pa por paga nan!

TERMOMETER

Mami, e termosmeter a baha....
Cuanto, Mai?
Tres piso. El a cai for di balcon te riba caya.

COLMO

Na cas di un homber avaro :
Juan, Juan! E criá a guli euster placa. Kico mi baci? Awor nada, pero na fin di luna nos ta kit'é di cu salario.

SPLICACION

Kico bo señora a bisa bo ayera nochi, ora el a mira bo yega dos 'or di madrugada?
Ta duel mi: awor aki mi no ta disponé di tres ora di tempo pa conta bo.

UN PREMIO

Un junkman kier cura di e vicio di bebemento, y el a logra pasa un dia sin bebe ni un kelki. Pero ora cu anochi a yega, el a bisa den su mes:
Bo tabata kalente y mi ta masha contento. Bo merecé un premio. Y el a bebe lurachá.

AMOR BERDADERO

Mama, bo ta stima mi di berdad? e yiu muber a puntra e mama.
Mi ta adora bo, mi yiu.
Y lo bo ta dispuesto pa duna rai un sorpresa agradable?
Kico asina lo bo gusta? Bisa mi.
Pa mama casa cu e bendedor di bolo.

E mehor ofertanan di siman

Anuncianan Clasificá

Ta vende 4 kasbi a fls. 125.— c.u.; 1 kasbi di mahoe pa fls. 175.—; un set di comedor pa fls. 375 y ademas 7 cama sin metras.

Interesadonan favor yama tel. 2020 of 2121 pa tur informacion necesario.

Ta vende un kasbi di buki, den perfecto condicion pa f. 175.—. Interesadonan por yama telefoon 2020 of 2121 pa demas informacion.

Ta interesá den compra dos lesemann di palo, segunda mano. Enan interesá den vende por yama telefoon 2020 of 2121.

Ta vende un refrigeradora mediana "General Electric" den bon condicion, cu casi un aña di uso. Prijs conveniente. Interesadonan por acudi na Antonio Sarda, Koningstraat 53 Ostad, of jama Tel. 1058 entre 8-12 of 2-5 p.m. pa tur otro informacion.

Ta vende un set pa kambu di baby, den bon condicion, na prijs masba barata. Interesadonan por acudi na Klipstraat 5 pa tur informacion of yama telefoon 3131.

Ta interesá den compra un set di kambu pa mucha (junior), segunda mano, na prijs conveniente. Tur informacion por wordé duna na telefoon 2020 of 2121.

Gana placa: Bon oportunidad pa muchanan gana bopi placa. Posibilidad di gana Fls. 20.— pa dia y mas ainda hendiendo "Observador". Muchanan di school tambe por acudi. Interesadonan por pasa personalmente na oficina den Wilhelminastraat 31.

ATENCION: Ora cu nos lectornan ta desea di vende, busca algo pa compra of buar, busca por ehempel un leopjengren, sirviente etc. ante acudi na nos oficina den Wilhelminastraat 31, of yama telefoon 2020 — 2121 durante oranan di oficina, y 3131 despues di cinc'or. Gustosamente nos lo yuda bo, poniendo bo aviso den e pagina aki.

Luisin



y



SU



festin



Urgentemente ta busca un sirviente pa trabou di cas, y tambe pa keda drumi.

Interesadonan por acudi na Wilhelminastraat 31 pa tur informacion necesario.

Ta vende un television marca "Dumont", den bon condicion. Prijs baratissimo, incluyendo un antena.

Pa demas informacion por acudi na Nassaustraat 16, of yama telefoon 1359.

Bon oferta: Ta vende un set di porch, consistiendo di tres stal y un mesa pa solamente fls. 200.—.

Interesadonan por yama telefoon 2020 of 2121 pa tur informacion necesario.

TA VENDE: Un auto marca "OPEL RECORD" model 1936 den bon condicion na un prijs masba conveniente. Pa mas informacion yama telefoon 2020 of 2121 durante ora di oficina of 2316 despues di 5'or.

Ta interesá den compra dos cama di un persona, segunda mano, na prijsnan razonable. Interesadonan den vende por duna informacion na telefoon 2020 of 2121.

Ta vende un set di kambu, den perfecto condicion pa unicamente fls. 750.—.

Pa tur otro informacion por yama telefoon 2020 of 2121.

Pa motibo di viaha: ta vende un jeep, heavy duty, den perfecto condicion, na milar prijs. Interesadonan por probacha di e oferta aki acudiendo na oficina di "Observador" of yama telefoon 2020 — 2121.

N.V. Electriciteit - Mij. Aruba
„ELMAR”
 ORANJESTAD, ARUBA

E COMPANIA DI CORRIENTE NA ARUBA

ta ofrece facilidadnan atractivo pa
 industrianan nobo y un staf tecnico
 cu experiencia pa bo problemanan electrico.



Tel. 2170



Ovaltine... Ovaltine... Ovaltine...

e alimento indispensable pa un perfecto desarrollo
 fisico y mental, ta continua cu su

GRAN OFERTA

Cu solamente 4 tapa grandi of 8 tapa chikito di
 bleki di OVALTINE, bo por obtene un bunita y
 practico Shaker of Glas di propaganda

na

POSNER'S AGENCIES

Ademas OVALTINE ta regalando un bunita
 thermo, di calidad duradero a cambio di 4 tapa grandi of 8 tapa
 chikito di OVALTINE mas un florin.

Sigi spaar e tapanan di OVALTINE y obtene bo shaker, glas di
 propaganda of thermo OVALTINE.

Pa alegria y energia OVALTINE 3 x pa dia.

First again with the 1964 models

This is the 1964 Plymouth Fury, 2-door H.T.



Sold to the lucky owner: Mr. Eugenio Paesch

RESERVE YOURS NOW!

CHRYSLER - DODGE - DART - PLYMOUTH - VALIANT



ALWAYS AHEAD -- ALWAYS FIRST!

Viana Auto Supply Co., Inc.

TELEPHONES 5120 - 5121